

Segun Arthur Dowers, di fraccion di AVP

Mester reconsidera si e mesun presidente di Staten mester keda

Cada bez a ta viola a reglamento di orden!

ORANJESTAD (AAN) - Ayera a trata den reunion di Parlamento, e presupuestonnan di Staten, Algemene Rekenkamer y Raad van Advies.

Den entrevista cu Parlamentario Arthur Dowers, di fraccion di AVP, el a comenta pa DIARIO cu como cu ta trata di organizacionnan hopi importante den e sistema constitucional di Aruba, Parlamento ta purba mas tanto posible di sostene nan trabao y a pasa e presupuestonan aki relativamente facil.

No obstante e fraccion di AVP tin algo di lamenta. Dowers a menciona cu nan a constata cu tin continuamente un biramento di regla den Parlamento, unda cu e lider di fraccion di RED kier a hiba palabra, pero door di un triki di e presidente di Staten a strobe, y despues el a interpreta e reglamento di orden na un forma robes, segun AVP, di manera cu hasta e ta entorpece e proceso democratico di Parlamento.

Segun Dowers esaki no tin ningun sentido, pasobra hopi biaha e presidente di Staten ta para e reunion pa casi mey ora, y ta stroba un parlamentario hiba palabra, y e pregunta ta ki meta e ta sirbiendo cu esaki, siendo cu e ta haciendo uso di su derecho democratico di expresa. Cu otro palabra, Presidente di Parlamento a laga di desea!

Dowers ta pensa cu comok-

iera cu e siman cu ta bin lo atende atrobe cu nombramento di un presidente nobo di Parlamento, lo ta bon pa bin cu e reconsideracion si e persona cu ta actualmente den dicho cargo mester keda, ya cu e lo worde dici-di door di gobierno si e ta keda of no.

E parlamentario di AVP ta kere cu lo ta bon pa haya un presidente di Parlamento cu ta mas flexible y cu ta respecta democracia mas y mas cu tur cos stimula e proceso democratico, ya cu e ta viola e reglamento di orden di Staten.

Dowers a señala cu Presidente di Staten ta bisa cu e ta haci un apelacion riba costumber, pero e reglamento di orden ta masha cla den sentido cu si un miembro di Parlamento tin hopi obhecion, no por aplica e regla di custumber. E ta boga pa e presidente di Parlamento cu bin den futuro mester ta mas flexible cu ta bay trata tambe di crea

un reglamento di orden cu realmente ta worde respecta.

E parlamentario a subraya cu tin ministernan cu den pasado tabata lanta interumpi parlamentarionan cu tabata papiando, loke ta prohibi den e reglamento di orden, pero na momento cu un parlamentario kier interumpi otro parlamentario, locual si ta posible, e presidente di Staten no ta laga esey tuma lugar.

Parlamentario Dowers a remarca cu e dominio di gobierno y sigur di Prome Minister riba e presidente di Staten y e 11nan di fraccion di MEP ta mucho grandi pa laga democracia funciona di berdad. E ta spera cu nan cambia e presidente aki y haya un cu si tin e curashi pa para pa e reglanan di democracia, y si no mester warda te momento cu pueblo buta un paro na e mal maneho y trapamento di democracia cu tin den e sala di Parlamento y consecuentemente riba nos pais.

Pareha homo Dijkhoff Gonzalez no por a inscribi na Censo

ORANJESTAD.(AAN):

Algun siman atras tabata tin hasta un caso den corte pa asina forza censo inscribi un pareha home sino pa cada dia esaki no sosode gobierno di Aruba lo tin di paga 50 mil florin.

Informe cual Diario a obtene ta indica cu e pareha en cuestion enberdad lo a presenta na Censo. Pero ora cu e funcionario a atende e pareha y lo a pidi pa cierto documentonan a resulta cu nan no por a presenta esaki pa asina nan por a wordo inscribi.

E pareha lo tin cu manda busca nan acta di matrimonio cu den e caso aki ta

aparentemente na Hulanda.

Despues cu e pareha ricibi e acta oficial nan lo tin cu bolbe pidi pa un cita pa asina nan wordo atendi oficialmente pa un funcionario.

E funcionario lo sigui e procedura pa revisa tur documentonan existi pa leyman vigente y si esaki ta na orden nan lo wordo inscribi oficialmente den registro di Censo.

E asina e pareha homo Dijkhoff - Gonzalez lo bay den historia como esnan prome cu a drenta den registro matrimonial di Aruba como dos homber cu lo tin amor pa otro te cu nan a casa cu otro.

TELEFONNAN DI DIARIO
582-6747- FAX 582-8551

NELCUPUNTURA!!



BEST DEAL

Tel: 5827100

(Pariba di Aruba Bank, Paradera)

Cama pa mucha diferente tema manera.

DORA, SUPERMAN enz